

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquq imaattoq saqqummiuppara:

Naalakkersuisunut apeqquq:

- 1. Inuit Namminersorlutik Oqartussanut akiitsoqalersimasut, akiliisinnaassuseerussimasullu, akiitsuminnik isumakkeerfigineqarsinnaanerminnut periarfissaqarpaat ?**

(Inatsisartunut ilaasorta, Anthon Frederiksen, Partii Naleraq)

Tungavilersuut:

Naluneqanngilaq inuit ilai, utoqqalineq pissutigalugu inuussutissarsiummik ingerlatsisinnaajunnaarsimasut aamma inuit ilaat namminersortuusimangaluarlutik akiliisinnaajunnaarneq allanilluunniit pissuteqarlutik akiitsuminnik akilersinnaajunnaarsimasut erloqinartorujussuarmik inissisimalersimasut, naak akiitsuminnik akileerusukkaluarlutik, kisianni nukissaarutivissimasut, taamaammallu akiitsunik nanertungaalersimasunik.

Inuit taama inissisimalersimasut, akiitsutoqarsuarnik isumakkeerfigineqarsinnaanerat qanoq periarfissaqartitaanersoq paaserusunnarpoq. Tassami paasinarmat inuit ilaat taama inissisimalersimasut, ernumaneq, erloqinerlu pissutigalugit toqqissisimananngitsorujussuarmik inissisimalertarmata.

Ullut suliffiit qulit qaangiutinnginnerani akineqarnissara kissaatingaara.